

Namminersorlutik Oqartussat nalunaarutaata iluarsanneqarnissaa pillugu imeqqutaallat manniinik manniissarniarsinnaaneq pillugu Naalakkersuisut kingusinnerpaamik UPA2027 sumiiffikkaartumik attuumassuteqartunut tusarniaaqqullugit Inatsisartut aalajangiiffigisassaattut siunnersuut. Piffissaq annertussusaalu peqassutsip pigineqaannarnissaa eqqarsaatigalugu Naalakkersuisut aalajangerlugulu aqussavaat.

(Inatsisartuni ilaasortaq Jens NapätôK', Naleraq)

Akissuteqaat

(Aalisarnermut, Piniarnermut, Nunalerinermut Imminullu Pilersornermut Naalakkersuisoq)

Siullermeerneqarnera

Naalakkersuisut siunnersuuteqartoq Jens NapätôK', Naleraq, siunnersuutitut saqummiussaanut qujaffigivaat. Timmissanik illersuineq piniarnerlu pillugit Namminersorlutik Oqartussat nalunaarutaat naapertorlugu imeqqutaallat manniinik katersisarneq naqqissorniartorlugu sumiiffikkaartumik attuumassuteqartunut Naalakkersuisut kingusinnerpaamik UPA2027 tusarniaanissaat siunnersuuteqartup siunnersuutigaa. Piffissaq annertussusaalu peqassutsip pigineqaannarnissaa eqqarsaatigalugu Naalakkersuisut aalajangerlugulu aqussavaat.

Naalakkersuisut pinngortitami pisuussuterpassuatsinnik annerpaamik piujuaannartitsisumik atorluanaissap aamma imminut pilersornissap qulakkeerneqarnissaat sulissutigaa. Naalakkersuisut nuannaarutigaa assersuutigalugu miteqassuseq siuariartormat 2023-milu mitit manniinik katersisarneq ammaqinnekarsimammat.

Timmissat pillugit nalunaarut atuuttoq naapertorlugu imeqqutaallat manniinik katersinissaq inerteqqutaavoq. Imeqqutaalaqassuseq pillugu ernummateqarneq tunngavigalugu imeqqutaallat manniinik katersineq 2001-mi inerteqqutaalersinneqarpoq, piffissaq ungasinnerusoq eqqarsaatigalugu peqassutsip ammut ingerlanerani takussutissaqarnera pissutigalugu.

Pinngortitaleriffik siunnersuinermini kingullermi allappoq, Kalaallit Nunaanni imeqqutaalaqarfiit pingaarnersaanni Kitsissunnguani imeqqutaallat suli ikiliartornerat paasineqarsimasoq. Taamatullu imeqqutaallat manniinik katersineq inerteqqutaalersinneqarmalli Kitsissunnguani imeqqutaalaqassutsip siuariartornera takussutissaqanngitsoq.

Nuna tamakkerlugu paasissutissat naammangimmata aamma imeqqutaalaqarfinni ataasiakkaani piaqqiortut ukiumiit ukiumut nikerartartorujussuuneri pissutigalugit imeqqutaallat qanoq amerliartortiginersut uppersaasersussallugu ajornakusoortuusoq Pinngortitaleriffik ingerlaqqilluni allappoq.

Naalakkersuisut piniartut atuisullu ilisimasaat pigineqartut pisuussutinik uumassusilinnik aqutsinermi ilaanissat pingaartippaat. Taamaattumik Naalakkersuisut Kitsissunnguit avataasigut sumiiffikkaartumik tusarniaasoqarnissaa isumaqatigaa, peqassutsimut ilisimasat annertunerulernissaat anguniarlugu.

27-05-2026

UPA 2026/181

Taamatut oqaaseqarlunga aalajangiiffigisassatut siunnersuut akuerineqarnissaa
innersuussutigaaara.